



Inatsisartunut ilaasortaq Sara Olsvig,, Inuit Ataqtigiit
Inatsisartut Allattoqarfiat
/Maani

Nakerisarsiunnginneq pillugu § 37 naapertorlugu apeqqt nr. 70-ip akineqarnera

Asasara Sara Olsvig

27-03-2015
Suliap nr. 2015-112336
All. nr. [1909368]

Postboks 101
3900 Nuuk
Oqarasuaat (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Inatsisartut suleriaasianni § 37 naapertorlugu sakkutooqarfimmut isumaqatigiissutip atorunnaarsinneqarneranut Namminersorlutik Oqartussat suliaqarsimanerisa eqqartu-ussissuserisunit pilersaarutaasumik misissuiffiqineqarnissaat pillugu arlalinnik apeqquteqarsimavutit. Apeqqt uannit akineqartussanngortinneqarsimavoq.

Apeqqtugineqartunut akissutikka ataani tulleriiaarlutik allassimapput.

Apeqqt:

§ 37 naapertorlugu apeqquteqaatinnut nr. 52-imut kiisalu 11. marts Inatsisartuni apeqqarissaarnermi Naalakkersuisut siulittaasuata akissuteqarpoq, Pituffimmut pisami Naalakkersuisut qanoq akuutigisimanerannut Naalakkersuisut arlaannaannulluunniit attuumassuteqanngitsutut oqaatigineqarluni eqqartuussissuserisumik misissuisitsiniarneranni suliakkiissutip imaa avammut saqqummiunneqassanngitsoq. Pingasunngornermi 11. marts, Naalakkersuisut Siulittaasuata aamma ullormi apeqqarissaarnerqarfiani, AG-mi suliakkiissutitut isikkoqartoq saqqummiunneqarpoq. AG-mi saqqummiunneqartup eqqartuussissuserisumit misissuisitsinissamut suliakkiisutaanerani Naalakkersuisut uppersaasannaappat?

Akissut:

Uppersarsinnaavara, allagaq AG-mit naqinneqarsimasoq tassaarpasittoq suliakkiis-
sutip taassuma Inuussutissarsiornermut, Suliffeqarnermut, Niuernermit Nunanullu
Allanut Naalakkersuisoq aalajangeeqatigalugu eqqartuussissuserisut misissuinissaannik
aallartitsinissamik kissaatigineqarnerani oqaasertalerlugu atsiukkatta assilineqarnera.

Apeqqt:

Naalakkersuisut Siulittaasuata uannut allakkamini oqaatigivaa, eqqartuussissuserisoq
toqqarneqarsimasoq Namminersorlutik Oqartussanit aalajangersimasumik su-
liassaqartitaaneq ajormat misissuisitsinissaq arlaannaannulluunniit attuumassuteqan-
ngitsumik suliakkiissatut taaneqarsinnaasoq. Eqqartuussissuserisorli taannarpiaq sior-

natigut Naalackersuisunut inatsisitigut nassuiaatitalimmik akissuteqaasiornermi (juridisk respondum) suliaqartinneqarsimavoq, tamannalu taamanikkut suliakkiisunik illersuutaasutut avataanniit taakkartorneqarpoq. Naalackersuisut tamanna qanoq isumaqarfigivaat?

Akissut:

§ 37 naapertorlugu apeqqut nr. 52-imut akissutinni paasisitsinera malillugu, eqqartuussissuserisup misissuinerani sinaakktissat pilersinneqartut arlaannaannulluunniit attuumassuteqarnani misissuinermi malinneqartussaapput, tamatumanilu aamma misissuinermi angusarineqartut pigineqalernissaasa tungaannut suliakkiisup nammineq piumasarisai soqutigisaqartuniillu ataqqineqartussaasut isiginiarneqartussaammata. Arlaannaannulluunniit attuumassuteqannginnermi aamma malinneqartussaavoq eqqartuussissuserisup toqqarneqartup Namminersorlutik Oqartussanut aalajangersimasumik attaveqannginnissaa.

Uanga isumaga malillugu eqqartuussissuserisup siusinnerusukkut Naalackersuisut suliaasaataannik naammassinnittarsimanera eqqartuussissuserisumit misissuisitsinermik isumaginnissinnaaneranut akornutaasariaqanngitsaq. Siusinnerusukkut suliaasimasut annertussusaat Kalaallit Nunaanni Namminersorlutik Oqartussanut aalajangersimasumik sullitaqalerluni aningaasarsiorfeqalernermik tunngavissiinngillat.

Apeqqut:

Eqqartuussissuserisoq pineqartoq aviisimi AG-mi atiatigut taallugu tassaanerarneqarpoq eqqartuussissuserisoq Ole Spiermann. Tamanna Naalackersuisut uppernarsarsinnaavaat?

Akissut:

Uppernarsarsinnaavara, eqqartuussissuserisoq Ole Spiermann advokatkontoret Bruun & Hjejle-miit taannaammat misissueqqullugu qinnuigineqarsimasoq.

Apeqqut:

2009-mili Namminersorlutik Oqartussat atuutilernerannit advokatiit misissuisitsinerit, inatsisitigut nassuiaatitalimmik akissuteqaasiornermi (juridisk respondum) assigisaalluunniit qassit Ole Spiermann aamma/iml. advokatfirmaet Bruun og Hjejle-mit suliarineqarsimappat?

Akissut:

Paasissutissiissutigisinnavara, Bruun & Hjejle 21. juni 2009-mili Namminersorlutik Oqartussat iluanni oqartussaqaqfinnut ikiuussimavoq siornatigut Ineqarnermut, Pingortitamut Avatangiisinullu Naalackersuisoqarfiusimasoq aamma siornatigut Inuussutissanut, Aatsitassanut Suliffissaqarnermullu Naalackersuisoqarfiusimasoq Nunanut Allanut Pisortaqarfik ilanngullugu immikkut ilisimasalittut nalunaarusiullugit. Eqqartuussissuserisup Ole Spiermannip nalunaarusiat taakku marluk suliarisimavai.

Tamakku saniatigut piffissami pineqartumi eqqartuussissuserisoq Ole Spiermann Bruun & Hjejle sinnerlugit siornatigut Ineqarnermut, Attaveqarnermut Angallanermullu

Naalackersuisoqarfiusimasumi, Aningaasaqarnermut sulisoqarnermullu aqutsisoqarfimmi kissalu Avatangiisinut Pinngortitamullu Naalackersuisoqarfimmi suliani assigiinngitsuni pingasuni siunnersuisuusarsimavoq.

Bruun & Hjejlep uppersarpaa eqqartuussissuserisutut misissugassap uumma sania-tigut eqqartuussissuserisutut namminersorlutik oqartussat sinnerlugit massakorporiaq allanik suliaqaratik.

Apeqqut:

§ 37 naapertorlugu apeqquteqaammut Naalackersuisut Siulittaasuat akivoq misissuisitsinermit tunngatillugu kikkut tamarmik nipangiussisussaassuseqarnermik peqquneqarsimasut. Taamaattorli AG-p misissuisitsinissamut suliaqqissut pissarsiarisimavaa, massa Naalackersuisut isertugassatut peqqusigaluartut. Tamatumunnga Naalackersuisut qanoq isumaqarpat?

Akissut:

§ 37 naapertorlugu apeqqut nr. 52-imut akissutinni paasisitsinera malillugu suliassamut tunngavissiamit nalinginnaasumik atorfimmi paasisanik nipangiussisimasussaaneq unioqqutinnaveersaaqquneqarpoq.

Taamaammat naammaginarsorinnaanngilara, suliassamut tunngavissiap assil-ineqarnera arlaannit tusagassiuutinut ingerlatinneqarsimammat. Taanna isertuussinissamik peqqussuteqarnerup unioqqutinneqarneranut ersiutaavoq – sulisuusimappat atortussianik ingerlatitseqqissimasoq – taava tamanna atorfimmi paasisanik nipangiussisimasussaataaneq unioqqutitsineruvoq.

Apeqqut:

Nipangiussisussaataaneqarnermut peqqusinerup malinngitsoorneqarsimaneranut tunngatillugu Naalackersuisut kinguneqartitsissappat?

Akissut:

Apeqqummut akissutinni ilaatigut erseqqissaatiginiarpara, inuk paasisutissanik taak-kuninnga isertuussassanik tusagassiorfinnut imaluunniit allamut attuumassuteqanngitsumut ingerlatitseqqissimasoq kinaassusersineqassappat, tamanna eqqartuussivitsigut imaluunniit atorfimmut atatillugu malitseqartitsisoqarumaarpoq, tamatumunnga tunngavissiisoqarsinnaanera malillugu. Ilaatigut erseqqissaatigissavara, soorunami Naalackersuisut nalinginnaasumik atortussianik isertuussisussaataaneq aamma siaruarterisarneq eqqarsaatigisariaqaraat, isertuussassanik taamak ittunik unioqqutitsineq pisimagaangat.

Apeqqut:

Advokatimit misissuisitsinerup inernerisa saqqummiunneqannginnissaannik Naalackersuisut aalajangiissappata, taava misissuisitsinerup sumut atorneqarnissaanik Naalackersuisut qanoq takorluugaqarpat?

Akissut:

§ 37 naapertorlugu apeqqut nr. 52-imut akissutinni paasisitsinera malillugu eqqartuussissuserisup misissuinerata inerneru Inuussutissarsiornermut, Suliffeqarnermut, Ni-

uernermit Nunanullu Allanut Naalakkersuisumut ataanilu atsiortumut saqqummiun-
neqarumaarput.

Misissuinermi inerniliunneqartut innersuussutaasullu soorunami siumut oqaatigi-
neqarsinnaanngillat. Taamaattumillu apeqqummik akissuteqarnermi allaaseriuminaap-
poq, eqqartuussissuserisumit misissuisitsinerup inerneru sumut atorneqassanersut in-
erneru saqqummiunneqarsinnaassanngippata.

Apeqqu:

Advokatimit misissuisitsinissap suliakkiissutertaa Inatsisartut Ataatsimiititaliaasa ar-
laannut nassiunneqarsimava, misissuisussallu kikkunerat paasissutissiissutigineqarsi-
mava?

Taamaassimappat tamanna qanga pisimava?

Akissut:

Suliakkiissut Inatsisartut Ataatsimiititaliaasa arlaannut nassiunniikuunngilara imaluun-
niit paasissutissiissutigalugu kikkut eqqartuussissuserisut nalunaarusaannik suliaqartu-
ussanersut.

Apeqqu:


Advokatimit misissuisitsinerup qanoq akeqarnissaa naatsorsuutigineqarpa?

Akissut:

Paasissutissiissutigisinnaavara, eqqartuussissuserisumit misissuisitsinissap ingerlan-
neqarnissaanut neqerooruteqartitsisoqarnikuunngilaq, tamatumunngalu missingersuu-
tinik pituttuisunik suliaqartoqarnikuunani. Naatsorsuigallarnerit aallaavigalugit misis-
suinermit aningaasartuutissat tamakkerlutik 700.000 aamma 1.000.000 kr.-it akornan-
ni annertussuseqassangatinneqarput. Naatsorsuutigaaralu eqqartuussissuserisumit
misissuisitsinermut pisariaqassappallu malitseqatinnissaanut aningaasartuutissat an-
ingaasaliissutaareersut iluini akilerneqarsinnaajumaartut.

Neriuppunga apeqqutigineqartunut akissutigineqartut tamaasa naammaginatissagitit.

Inussiarnersumik inuulluaqqusillunga



Kim Kielsen